

上下滋榮一體煥明八方八卦之神曰八威也

天庭地闕列斧斤

兩眉間為天庭紫微夫人祝曰開通天庭使我長生列斧斤
言勇壯

靈臺盤固永不衰

心為靈臺言有神靈君之靜則守一動則存神體安不衰竭
矣

中池章第五

中池內神服赤珠

膽為中池舌下為華池小腹胞為玉池亦三池之通名膽部

道藏輯要

雲笈七籤

西參集二

曰龍旗橫天擲火鈴赤珠者火鈴之腹

丹錦雲袍帶虎符

丹錦雲袍心肺之色在膽之上故曰雲袍符命也九真經云
皇老君佩玄龍神虎符帶流金之鈴並道君之服也

橫津三寸靈所居

內指事也臍在胞上故曰橫津臍下三寸為丹田真人赤子
之所居也

隱芝翳鬱自相扶

謂男女之形體也隱翳交合自然之道按內外神芝訣云五
藏之液為內芝內芝則隱芝也又云隱奧者也